



ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆ
«ՀԻՎԱՆԴՈՒԹՅՈՒՆՆԵՐԻ ՎԵՐԱՀՍԿՄԱՆ ԵՎ ԿԱՆԽԱՐԳԵԼՄԱՆ
ԱԶԳԱՅԻՆ ԿԵՆՏՐՈՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ
ԳԼԽԱՎՈՐ ՏՆՕՐԵՆ

Հայաստանի Հանրապետություն, Երևան 0025, Մխիթար Հերացի 12

Հեռ. (+ 374 12) 80 80 83

Էլ. փոստ/ E-mail info@ncdc.am

20.02.2025 N ՍԱ//01/8-1/828-2025

«ԻՎԱՖԱՐՄ» ՍՊԸ-Ի ՏՆՕՐԵՆ
ՊԱՐՈՆ ԱՐՄԵՆ ԻՎԱՆՅԱՆԻՆ
(Էլ. փոստ՝ ivapharm89@gmail.com)

Հարգելի՛ պարոն Իվանյան,

«Հիվանդությունների վերահսկման և կանխարգելման ազգային կենտրոն» ՊՈԱԿ-ի (այսուհետ՝ Գնորդ) և «Իվաֆարմ» սահմանափակ պատասխանատվությամբ ընկերության (այսուհետ՝ Վաճառող) միջև 16.10.2024թ. կնքված թիվ «ԲՄԱՊԶԲ-ՀՎԿԱԿ-2024-03-1» ծածկագրով պայմանագրի (այսուհետ՝ Պայմանագիր) համաձայն Ձեր կողմից ստանձնվել էր ջրծաղիկի դեմ պատվաստանյութի (այսուհետ՝ Ապրանք) մատակարարման պարտավորությունը՝ Պայմանագրի անբաժանելի մասը կազմող N¹ հավելվածով սահմանված տեխնիկական բնութագիր-գնման ժամանակացույցին համապատասխան և սահմանված ժամկետներով:

Ֆինանսական միջոցների առկայության և դրա հիման վրա վճարման ժամանակացույց հաստատելու մասին համաձայնագիրը «Հիվանդությունների վերահսկման և կանխարգելման ազգային կենտրոն» ՊՈԱԿ-ի և «Իվաֆարմ» ՍՊԸ միջև կնքվել է 20.11.2024թ.-ին, դրանով իսկ Պայմանագրի կատարման վերջնաժամկետը սահմանվել է 20.12.2024թ.:

2024թ. նոյեմբերի 20-ին պատվաստանյութը հանձնելու նպատակով «Իվաֆարմ» ՍՊԸ-ի կողմից ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ-ի պահեստ է հանձնվել՝ ըստ ներկայացված փաստաթղթերի

ընդամենը՝ 24,040 դեղաչափ, սակայն խմբաքանակի տեղում հաշվարկի ժամանակ փաստացի առկա է եղել 24,009 դեղաչափ:

Պատասխանատու ստորաբաժանման կողմից Գնորդի պահեստ հանձնված Ապրանքի վերաբերյալ կազմվել է բացասական եզրակացություն, որի մասին ծանուցվել է «Իվաֆարմ» ՍՊԸ-ն՝ առաջարկելով մինչև Պայմանագրով սահմանված մատակարարման վերջնաժամկետը լրանալը վերացնել արձանագրված անհամապատասխանությունները և հանձնման նպատակով Գնորդին ներկայացնել Պայմանագրի անբաժանելի մասը կազմող №1 հավելվածով սահմանված տեխնիկական բնութագիր-գնման ժամանակացույցին համապատասխանող Ապրանք:

«Իվաֆարմ» ՍՊԸ-ն սահմանված կարգով և ժամկետում դիմել է «Հիվանդությունների վերահսկման և կանխարգելման ազգային կենտրոն» ՊՈԱԿ-ին Պայմանագրի կատարման ժամկետը 30 օրով երկարաձգելու խնդրանքով, որը բավարարվել է, և կնքվել է լրացուցիչ համաձայնագիր, համաձայն որի՝ Պայմանագրի կատարման վերջնաժամկետ է սահմանվել 20.01.2025թ., սակայն Վաճառողի կողմից այդ ժամկետը լրանալու պահին հանձնման նպատակով չի ներկայացվել տեխնիկական բնութագիր-գնման ժամանակացույցին համապատասխանող Ապրանք:

Պայմանագրի 2.1.7 կետի համաձայն՝ Պատվիրատուն իրավունք ունի միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

Պայմանագրի 2.1.7.1 կետի համաձայն՝ Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում.

բ) ապրանքի մատակարարման ժամկետները խախտվել են 10 օրից ավելի:

Հայտնում ենք, որ Վաճառողի կողմից Պայմանագրի կատարման ավարտի օրվա դրությամբ թույլ են տրվել հետևյալ էական խախտումները.

Ա) հանձնման նպատակով ներկայացված Ապրանքը չի համապատասխանում

Պայմանագրով սահմանված տեխնիկական բնութագրին, մասնավորապես.

- 1) Տվիչներից արտածած տվյալներում դիտարկվել են կտրուկ տատանումներ 2-8°C սահմաններից՝ տվիչների ակտիվացման սկզբնական ժամանակահատվածում,
- 2) Ընդհանուր առկա 6 տվիչներից 4-ի արտածումներում գրանցվել են շեղումներ նաև տեղափոխման ժամանակահատվածում: Օրինակ՝ առաջին խմբաքանակի մեկ

տվիչում գրանցվել է 2 °C-ից ցածր ջերմաստիճան 15 օր տևողությամբ -0.1 °C-ից մինչև 1.9 °C ջերմաստիճանի միջակայքում,

3) Նախնական ժամանակահատվածին համապատասխանող ջերմաստիճանի տատանումները, ինչպես նաև 2°C-ից ցածր ջերմաստիճան արձանագրած տվիչների արտածումները ներկայացված չեն եղել Դեղերի և բժշկական տեխնոլոգիաների փորձագիտական կենտրոնին՝ իրականացվող փորձաքննության շրջանակներում,

4) Տվիչների ջերմաստիճանի մշտադիտարկման միջակայքը կարգավորված է եղել -29,5 °C-ից +29,5°C՝ 2-8°C-ի փոխարեն, ինչը թույլ չի տվել արձանագրել ահազանգ վերոնշյալ շեղումների ժամանակ,

5) Թվով 90 դեղաչափի երկրորդային փաթեթավորումն եղել է խոնավ, թրջված և վնասված վիճակում,

6) Պատվաստանյութի խմբային փաթեթավորման պատշաճ պիտակավորման բացակայությամբ պայմանավորված՝ հնարավոր չի եղել նույնականացնել, թե որ արկղերում են տեղադրված եղել ջերմաստիճանային մշտադիտարկում իրականացնող տվիչները:

Բ) Պայմանագրով սահմանված տեխնիկական բնութագրին համապատասխանող Ապրանք չի մատակարարվել Պայմանագրով սահմանված մատակարարման վերջնաժամկետը լրանալու օրվան հաջորդող 10 օրվա ընթացքում:

Հաշվի առնելով վերոգրյալը և հիմք ընդունելով Պայմանագրի 2.1.7 կետը՝ «Հիվանդությունների վերահսկման և կանխարգելման ազգային կենտրոն» ՊՈԱԿ-ը միակողմանի լուծում է «Հիվանդությունների վերահսկման և կանխարգելման ազգային կենտրոն» ՊՈԱԿ-ի և «Իվաֆարմ» սահմանափակ պատասխանատվությամբ ընկերության միջև 16.10.2024թ. կնքված թիվ «ԲՄԱՊՁԲ-ՀՎԿԱԿ-2024-03-1» ծածկագրով պայմանագրը:

ՀԱՐԳԱՆՔՈՎ՝



ՍՏԵՓԱՆ ԱԹՈՅԱՆ